



Inatsisartunut ilaasortaq Sofia Geisler
Inatsisartut Allattoqarfiat
/Maani

**Namminersorlutik Oqartussat suliffeqarfiutaani suliffeqarfinnilu
Namminersorlutik Oqartussanit ingerlanneqartuni siulersuisut pillugit §
37 naapertorlugu apeqqummut nr 2020/160-imut akissut**

19-10-2020

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Sofia Geisler,

Inatsisartut suleriaasianni § 37 naapertorlugu ingerlatseqatigiiffinni Namminersorlutik Oqartussanit pigineqartuni suliffeqarfinnilu Namminersorlutik Oqartussanit ingerlanneqartuni siulersut pillugit Naalakkersuisunut apeqquteqarsimavutit. Apeqqutigisatit uannit akisassanngortinneqarsimapput.

Akissuteqarnissamut atatillugu ingerlatseqatigiiffinnit namminersorlutik oqartussanit pigineqartunit naalakkersuisoqarfinnilu susassaqartunit paasissutissanik piniartoqarsimavoq.

Apeqqutigineqartut ima oqaasertaqarput:

1. Naalakkersuisut qinnuigineqarput ilisimatitsissutigeqqullugu Nalakkersuisut ukunani ilaasortassatut toqqagaat katillugit qanoq amerlatiginersut:

a. Ingerlatseqatigiiffiit Namminersorlutik Oqartussanit tamakkiisumik pigineqartut.

Aktiaateqarluni ingerlatseqatigiiffinni Namminersorlutik Oqartussanit pigineqartuni ullumikkut siulersuisuni ilaasortat 67-it Naalakkersuisunit toqqarneqarsimapput. Aktiaateqarluni ingerlatseqatigiiffinni namminersorlutik oqartussanit pigineqartuni siulersuisuni ilaasortat sulisunit toqqarneqarsimasoq naatsorsuiner mi ilaatinneqanngillat, tamakku ingerlatseqatigiiffinni sulisunit nammineq toqqarneqartarmata.

b. Ingerlatseqatigiiffiit Namminersorlutik Oqartussanit ilaanna-kortumit pigineqartut.

Kalaallit Airports Holding A/S, Namminersorlutik Oqartussanit tamakkiisumik pigineqartup Danskit Naalagaaffiat peqatigalugu Kalaallit Airports International A/S, Nuummi Ilulissanilu mittarfi-liortuusoq pigisaraat. Kalaallit Airports International A/S massakkut tallimanik siulersuisuni ilaasortaqrpoq¹, taakkunannga marluk Danskit Naalagaaffianit toqqarneqarsimallutik. Siulersuisut ilaasortat sinneri pingasuusut Naalakkersuisunit toqqarneqarput.

c. Suliffeqarfiit namminersortitat Suliffeqarfiit nunatta karsianit aningaasalersorneqartut.

Nukissiorfinnut, Mittarfeqarfinnut Asiamullu tunngatillugu siulersuisuni ilaasortassanik toqqaasoqarneq ajorpoq suliffeqarfiit namminersortitat naalakkersuisoqarfinit aqunneqartarmata.

d. Suliffeqarfiit Namminersorlutik Oqartussanit ingerlanneqartut.

Suliffeqarfiit namminersorlutik oqartussanit ingerlanneqartut ullumikkut Namminersorlutik Oqartussanit toqqarneqarsimasunik 31-nik ilaasortaqrput. Ilaasortat atorfitsik aqqutigalugu toqqarneqarsimasut, soqutigisaqatigiinnit toqqarneqarsimasut allatulluunniit toqqarneqarsimasut naatsorsuutini ilaanngillat.

e. Suliffeqarfiit allat Namminersorlutik Oqartussanut attuumasuteqartut.

Tassunga atillugu apeqqummut siuliani akissutigineqartut innersuussutigineqarput tassani pineqartut ilaatinneqareermata.

2. Naalakkersuisut qinnuigineqarput ilisimatitsissutigeqqullugu Naalakkersuisut ukunani ilaasortassatut toqqagaannut ilaasortaanersiutit katillugit qanoq amerlatiginersut:

a. Ingerlatseqatigiiffiit Namminersorlutik Oqartussanit tamakkiisumik pigineqartut.

¹ Johannus Egholm Hansen Kalaallit Airports Holding A/S-imi, Kalaallit Airports International A/S-imi aammalu Kalaallit Airports Domestic A/S-imi siulersuisuni siulittaasutut 30 september 2020 tunuarpoq.

§ 37 naapertorlugu apeqqummut akissuteqarnermi Ingerlatseqatigiiffinnut allaffeqarfiup ingerlatseqatigiiffinni namminersorlutik oqartussanit pigineqartuni siulersuisuni ilaasortat akissarsiaat pillugit nalunaarusiarisimasaa Naalakkersuisut nittartagaat aqqutigalugu pissarsiarineqarsinnaasoq aallaavigineqarpoq. Tamatuma saniatigut ingerlatseqatigiiffinnit namminersorlutik oqartussanit pigineqartunit paasissutissanik pissarsiniartoqarsimavoq.

Tassunga ilisimatitsissutigineqarsinnaavoq ingerlatseqatigiiffinni Illuut A/S-imi, Great Greenland A/S-imi, Visit Greenland A/S-imi, Greenland Oil Spill Response A/S-imi, NunaOil A/S-imi aamma Sikker Nuuk Harbour A/S-imi siulersuisuini siulittaasoq ukiumut DKK 150000-inik, siulersuisuni siulittaasup tullia ukiumut DKK 75000-inik aammalu siulersuisuni ilaasortat nalinginnaasut ukiumut DKK 50000-inik akissarsiaqartinneqarmata.

Ingerlatseqatigiiffinni Greenland Holding A/S-imi, INI A/S-imi, Tele Greenland A/S-imi, Royal Arctic Line A/S-imi, Air Greenland A/S-imi aammalu KNI A/S-imi siulersuisuni siulittaasoq ukiumut DKK 350000-inik, siulersuisuni siulittaasup tullia ukiumut DKK 17500-inik siulersuisuni ilaasortat nalinginnaasut ukiumut DKK 125000-inik akissarsiaqartinneqarput.

Royal Greenland A/S-imut tunngatillugu siulersuisuni siulittaasoq ukiumut DKK 500000-inik, siulittaasup tullia ukiumut DKK 300000-inik siulersuisunilu nalinginnaasumik ilaasortasut ukiumut DKK 200000-inik akissarsiaqartinneqarput.

Kalaallit Airports Holding A/S-imut tunngatillugu siulersuisuni siulittaasoq ukiumut DKK 750000-inik, siulittaasup tullia ukiumut DKK 300000-inik ammalu siulersuisuni nalinginnaasumik ilaasortat ukiumut DKK 200000-inik akissarsiaqartinneqarput.

Siulersuisut akissarsiaat siuliani saqqummiunneqartut takussutisiami tullinnguuttumi ilanngullugit saqqummiunneqarputaaq.

Takussutissiaq 1: Ingerlatseqatigiiffinni Namminersorlutik Oqartussanit pigineqartuni akissarsiaritit

Ingerlatseqatigiiffik	Siulittaasoq	Siulittaasup tullia	Ilaasortaq
Illuut A/S	150000	75000	50000
Great Greenland A/S	150000	75000	50000
Visit Greenland A/S	150000	75000	50000

Greenland Oil Spill Response A/S	150000	75000	50000
NunaOil A/S	150000	75000	50000
Sikuki Nuuk Harbour A/S	150000	75000	50000
Greenland Holding A/S	350000	175000	125000
INI A/S	350000	175000	125000
Tele Greenland A/S	350000	175000	125000
Royal Arctic Line A/S	350000	175000	125000
Air Greenland A/S	350000	175000	125000
KNI A/S	350000	175000	125000
Royal Greenland A/S	500000	300000	200000
Kalaallit Airports Holding A/S	750000	300000	200000

b. Ingerlatseqatigiiffiit Namminersorlutik Oqartussanit ilaannakortumit pigineqartut.

Kalaallit Airports International A/S-imi sulinermini siulersuisuni siulittaasoq ukiumut DKK 75000-inik, siulittaasup tullia DKK 30000-inik ammalu siulersuisuni nalinginnasumik ilaasortat DKK 20000-inik akissarsisinneqartarput. Akissarsiat saqqummiunneqartut Kalaallit Airports Holding A/S-imi siulersuisuni ilaasortat tamakkiisumik akissarsiaritinneqartunut siuliani saqqummiunneqartunut ilaapput.

c. Suliffeqarfiit nunatta karsianit aningaasalersorneqartut.

Nukissiorfinnut, Mittarfeqarfinnut Asiamullu tunngatillugu siulersuisuni ilaasortassanik toqqaasoqarneq ajorpoq suliffeqarfiit namminersortitat naalackersuisoqarfinnit aqunneqartarmata.

d. Suliffeqarfiit Namminersorlutik Oqartussanit ingerlanneqartut.

Suliffeqarfinni namminersorlutik oqartussanit ingerlanneqartuni siulersuisuni ilaasortat Naalackersuisunit toqqarneqarsimasut eqqarsaatigalugit akissarsiaritinneqartut Naalackersuisoqarfinnit akisussaasunit nalunaarutigineqarsimapput. Akissiat taakku takusutissiami ataaniittumi takutinneqarput.

Takussutissiaq 2: Suliffeqarfinni namminersorlutik oqartussanit ingerlanneqartuni siulersuisuni ilaasortat Naalackersuisunit toqqarneqarsimasut akissarsiaat.

Suliffeqarfik	Siulittaasoq	Siulittaasup tullia	Ilaasortaq
Pinngortitaler iffimmi siulersuisut	Akissarsiaqartin neqanngillat	Akissarsiaqartin neqanngillat	Akissarsiaqartin neqanngillat
Nunani tamalaani hub-it akissarsiaat	Akissarsiaqartin neqanngillat	Akissarsiaqartin neqanngillat	Akissarsiaqartin neqanngillat
Campus Kujalleq/Niu ernermik ilinniarfik	40000*	30000	10000*
Ilisimatusarfi mmi siulersuisut	70000	35000	35000
Nunatta Isiginnaartitsi sarfia	30000	7500	7500
KNR	100000	50000	50000
Katuq	20000**	10000*	5000
Naatsorsueqq issaartarfik	90000	35000	35000
Qitiusumik Ilinniarfinni siulersuisut	<i>Qitiusumik ilinniarfinni siulersuisut suliaminnut ukiumut akissarsiaqassapput ukiumi aningaasaliissuteqarfimmi qaangiuttumi kingulliusumi Qitiusumik ilinniarfinni ataasiakkaani aningaasaliissutit aamma isertitanik matussusiilluni suliaqarneq aallaavigalugit annertussusaat aalajangersarneqartarput.</i>		

*Campus Kujalleq aamma Niuernermik Iliniarfik ataatsimoorlutik siulersuisoqarput. Siulersuisuni ilaasortat siulersuisunik toqqaasinnaatitaasunit assigiinngitsunit toqqarneqarsimapput. Siulersuisuni siulittaasoq Kalaallit Nunaanni Sulisitsisunit toqqagaavoq, siulittaasup tullia Naalakkersuisuni toqqagaalluni nalinginnaasumillu ilaasortat Kalaallit Nunaanni Sulisitsisunit, Den Fælles Koordinationsindsats-imit, NUSUKA-mit kiisalu SIK-imit toqqarneqarsimallutik.

**Katuami siulersuisuni ilaasortat siulersuisunik toqqaasinnaatitaasunit assigiinngitsunit toqqarneqarsimapput. Taamaasilluni siulersuisuni siulittaasoq Eqqumiitsuliornermik Pinngorartitsisunit (EPI) toqqarneqarsimavoq, siulittaasullu tullia Visit Greenland A/S-imit toqqarneqarsimalluni. Siulersuisuni ilaasortaq ataaseq Naalakkersuisunit toqqagaavoq, siulersuisunilu ilaasortat sinneri marluk Katuamit nammineq aammalu Nunat Avannarliit Ministeriisa Siunnersorteqatigiivinit (NAPA) toqqagaallutik.

e. Suliffeqarfiit allat Namminersorlutik Oqartussanut attuumasuteqartut.

Apeqummut uunga tunngatillugu siuliani akissutigineqartut innersuussutigineqarput pineqartummi tassani ilaareermata.

3. Namminersorlutik Oqartussanit tamakkiisumik pigineqartut ingerlatseqatigiiffiat assigiimmik assigiikannersunilluunniit ingerlatallit kattutsinnissaannik Naalakkersuisut pilersaaruteqarpat?

Ilisimatitsissutigisinnaavara ingerlatseqatigiiffiit Namminersorlutik Oqartussanit pigineqartut massakku aqqissugaaneri namminersorlutik oqartussanit allanngortinneqartillugit tamassuma malitsigisassai periarfissarititaasalu nalilersorneqarnissaanik suliaq Nalaakkersuisunit aallartinneqareemat. Ingerlatseqatigiiffinnut allatseqarfik Siulittaasup Naalakkersuisoqarfiata ataani inissisimasoq periarfissat tamakku ersarissarneqarnissaat pillugit suliakkerneqareersimavoq naammasippata Naalakkersuisunit suliarineqaqqittussanngorlugit ingerlateqqitassanik.

Ingerlatseqatigiiffiit Namminersorlutik Oqartussanit pigineqartut angissut-simikkut, unammillersinnaanermikkut niuerfigisamikkullu assigiinngisitaartorujussuupput. Ingerlatseqatigiiffiillu ineriartortinneranni naalakkersuinikkut anguniakkat aamma assigiinngitsorujussuusinnaapput. Suliassaq annertuvoq Naalakkersuisullu aalajangerisigut Inatsisartut ataatsimiititaliaanut susassaqtunut ilisimatitsissutigineqarumaarluni.

4. Taamaangippat; suna tamatumunnga patsisaava?

Apeqquummut 3-mut akissutikka innersuussutigissavakka.

Inussiarnersumik inuulluaqqusillunga



Kim Kielsen

INUIT ATAQATIGIIT

Inatsisartuni



22. september 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Naalakkersuisut qinnuigineqarput ilisimatitsissutigeqqullugu Naalakkersuisut ukunani ilaasortassatut toqqagaat katillugit qanoq amerlatiginersut:**
 - a. Ingerlatseqatigiiffiit Namminersorlutik Oqartussanit tamakkiisumik pigineqartut.**
 - b. Ingerlatseqatigiiffiit Namminersorlutik Oqartussanit ilaannakortumit pigineqartut.**
 - c. Suliffeqarfiit nunatta karsianit aningaasalersorneqartut.**
 - d. Suliffeqarfiit Namminersorlutik Oqartussanit ingerlanneqartut.**
 - e. Suliffeqarfiit allat Namminersorlutik Oqartussanut attuumassuteqartut.**

- 2. Naalakkersuisut qinnuigineqarput ilisimatitsissutigeqqullugu Naalakkersuisut ukunani ilaasortassatut toqqagaannut ilaasortaannersiutit katillugit qanoq amerlatiginersut:**
 - a. Ingerlatseqatigiiffiit Namminersorlutik Oqartussanit tamakkiisumik pigineqartut.**
 - b. Ingerlatseqatigiiffiit Namminersorlutik Oqartussanit ilaannakortumit pigineqartut.**
 - c. Suliffeqarfiit nunatta karsianit aningaasalersorneqartut.**
 - d. Suliffeqarfiit Namminersorlutik Oqartussanit ingerlanneqartut.**
 - e. Suliffeqarfiit allat Namminersorlutik Oqartussanut attuumassuteqartut.**

- 3. Namminersorlutik Oqartussanit tamakkiisumik pigineqartut ingerlatseqatigiiffiat assigiimmik assigiikannersunilluunniit ingerlatallit kattutsinnissaannik Naalakkersuisut pilersaaruteqarpat?**

- 4. Taamaangippat; suna tamatumunnga patsisaava?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Innuttaasut 56.000-it missaannik amerlassuseqanerput eqqarsaatigalugu siulersuisut Nunatta Karsianit akissaasersorneqartut amerlapput. Aperisoqarsinnaavoq ingerlatseqatigiiffiit suliffeqarfiillu Namminersorlutik Oqartussanit pigineqartut tamatigut siulersuisulersuisulersornissaat, taakku ilaasortaanersiutaasa aningaasalersornerisa saniatigut allaffissornermik immikkut pilersitsinermik kinguneqartartunik.

Kissaatigivara apeqqutikka ullut suliffiusut qulit qaangiutinnginneranni akineqarnissaat.